

中興禮書

中興禮書第一百九十一卷

嘉禮十九

冊命皇后四

淳熙三年八月八日詔恭奉光堯壽聖憲天體道性仁誠德經武緯文太上皇帝手詔國家荷天之休內外寧謐乃眷嗣皇久虛中壺貴妃翟氏身自初潛歸于藩邸從龍登位亦既有年當崇顯號表正六宮可立為今上皇后有司擇日備禮冊命

八月九日詔貴妃翟氏已立為皇后可歸姓謝氏

八月十一日中書宮祿衣服禮服等製造主管所言已降指揮合製造中宮祿衣服禮服等差耳昇條具製造契勘今來應合行事件等欲乞依昨隆興元年中宮祿衣服

禮等製造王管所已申請體例詔依

八月十二日禮部太常寺言勘會今來降詔立皇后令有司備禮冊命依禮例命使發中宮冊寶合差都大主管官一員係差入內內侍省官充詔依

八月十四日禮部太常寺言今來降制立皇后令有司備禮冊命所有合差撰冊文官書冊文官篆寶文官各一員伏乞降勅差官詔撰冊文官差參知政事龔茂良書冊文官差參知政事李彥穎篆寶文官差同知樞密院事王淮

同日制曰乾健坤承所以同尊乎太極陽剛陰相所以並育乎羣生朕上奉親歡下敷民則念佐餽當施於東內而親蠶未講於北郊欽承聖父之詔音趣定長秋之

位序是登碩媛庸告大庭貴妃謝氏恭儉而柔和靜專而聰敏異表允符於相法令儀夙本於良家蚤從藩邸之游蓋稟庭闈之命大橫應卜正唯寶后之來故劔可求孰若平君之就自處四妃之首殆更一紀之餘禮有脫簪輔我勵精之政衣無曳地成予敦朴之風亦既宣內助之勤其可避中宮之選矧明揚於慈訓仍中諭於輔臣謂衆志之素孚宜徽章之亟舉因乳保而依方進雖嘗從舊譜於淮南推源流而系謝安盍遂復華宗於江左茲誕頒於命數庸表慶於家邦翠衣加追王之笄螭紐賁範金之寶於戲日奉帝堯之養后其思居汭之虞嬪朕時承文母之顏后必監嗣徽之周如奉玉盃於祖廟則可以教四海之順新彤管於女師則可以形二

南之風尚表正於宮闈永綏將於福履可立於皇后仍
今有司擇日備禮冊命

八月十七日禮部太常寺言已降指揮立皇后令太史
局擇日宰執率文武百僚詣德壽宮次詣文德拜表牋
稱賀今欲乞是日皇帝不視事文武百僚俟德壽宮拜
表牋訖許經由南北宮門赴文德殿拜表牋立班今據
太史局選用八月二十七日己亥吉詔依

同日禮部太常寺言勘會依議皇帝御文德殿發冊寶
皇后於穆清殿受冊寶合設宮架之樂所有今來制冊
皇后台設宮之樂欲乞依議施行詔依

八月二十八日中書門下省言勘會將來差奉冊寶使
副及行禮官等緣所攝之官其間廢置不一合行議定

詔令禮部太常寺討論議定申尚書省禮部太常寺檢
照通典并開寶通禮國朝會要正和五禮新儀臨軒命
冊皇后例皆以攝三公大臣行禮今討論將來臨軒發
冊寶合差奉冊寶使副等官亦合依典禮差官今參酌
奉冊寶使舊以太尉昨紹興七年指揮用太尉者攝太
傅今來合依紹興七年指揮以攝太傅充其奉冊寶副
使舊以司徒今既以太尉為攝太傅其司徒合以攝太
保充所有侍中中書今自乾道七年指揮刪去之後乾
道九年郊祀大禮合差侍中三員內一員輦轅前一員
奏請致齋一員肆赦並改稱為左丞相又差左僕射二
員內一員受誓戒一員進玉幣爵酒並改稱為左丞相
及受誓戒右僕射一員改稱為右丞相並淳熙二年加

尚尊號用寶行禮官侍中二員內一員奉寶并讀寶一員承指宣答並改稱左丞相中書令一員奉用并讀用改稱右丞相今欲依前項大禮并加上尊號用寶已行禮例差官充攝施行

八月二十九日詔奉用寶使副等並更不攝官侍中中

知書全參
改事

同日太常寺言已降制立皇后令有司備禮用命所有

臨軒發用寶伏乞降勅差官詔依奉册使等官案目更

員止攝奉用取寶校奉用寶校并從用侍中六員內一

員止攝奉用取寶校奉用寶校并從用侍中六員內一

員止攝奉用取寶校奉用寶校并從用侍中六員內一

員止攝奉用取寶校奉用寶校并從用侍中六員內一

九月五日禮部太常寺言依禮例文德殿發用寶合設
宮架樂於內殿移清殿受用寶合設宮架樂於殿門外
係宮架大樂兩科計六十四架合係作樂行禮所有樂
章乞從太常寺具節次申學士院製撰降付本寺習教
所有合差搬運大樂軍兵經由門戶關借牌號等欲乞
並依隆興元年已降指揮施行詔依

九月八日太常寺言受用前期擇日奏告天地宗廟社
稷等處所有奏告日辰據太史局選用九月二十四日

丙寅吉其合差奏告等官伏乞降勅差官詔依

奏告等
官案日

與隆興二年同止添差安恭皇后
橫官祭告官太祝各一員

九月十一日中宮用寶都大主管所言將來臨軒發用
并皇后受用寶日辰今據尅擇官選定宜用十月三日

甲戌吉五日丙子吉時並宜用其日丁時吉并據禮直
官狀若用十月三日五日行禮各無相妨詔用十月五
日

九月二十七日禮部太常寺言已降指揮用十月五日
文德殿發中宮用寶於發用寶前三日應充行事執事
應奉官及文武百僚并祇應人詣文德殿庭習儀及差
充用寶下官再赴穆清殿門外習儀今勘會發用寶前
三日習儀係十月二日緣是日宰執以下詣德壽宮起
居日分欲乞是日宰執已下先詣德壽宮起居次詣文
德殿習儀詔依

九月二十八日禮部太常寺言勘會十月五日文德殿
發中宮用寶前一日工部奉用寶進入依禮例用寶使

副禮儀使應用寶下禮官等並合宿衛今欲乞宿衛日
皇帝前殿後殿不視事詔特視事

十月一日學士院修撰到皇后受冊畢內命婦賀皇后
詞語伏覲授冊楓宸流徽板極懽均六寢美繼二南恭
惟皇后慈惠儉勤柔明莊裕誕膺金璽增煥玉衣妾等
幸比貫魚獲陪賀燕願益遵於嬪則庶永賴於母儀皇
后受冊畢外命婦賀皇后詞語伏覲壺儀內正王化外
基地道有光人心胥悅恭惟皇后殿下倪天表異夢月
開祥久佐聖明做膺典冊妾等並依持載欣預榮觀昔
聞恭儉於母家今見化成於婦道

十月四日禮部言勘會今月五日皇后受冊畢宰執率
文武百僚拜表賤賀已差本部郎官范端臣充轉表郎

官今來百官差符寶至日行禮畢交納八寶與轉表職事相妨伏乞時暫差官充轉表賤郎官職事詔依

十月五日皇帝服通天冠絳紗袍御文德殿即座奉冊寶使副入就殿庭受冊寶訖押冊寶至穆清殿門外帷次以俟皇后服袿衣司言尚宮引皇后出閣詣穆清殿奉冊寶使副以冊寶授受冊寶內侍官以授內謁者監舉冊寶入殿皇后降自東階至殿下當中褥位北向讀冊內侍官宣冊曰維淳熙三年歲次丙申十月壬申朔越五日丙子皇帝若曰朕惟古先哲王必資有德之助自家刑國是謂化源姜妊興周承以太妣母儀婦道垂憲萬世朕心慕焉屬以太上付托之重惟日兢兢懼德弗類弗克負荷而四海至廣萬機至繁予一人罔敢暇

遠至若分職陰敷以聽天下之內治宜得碩媛俾屬相
子庶幾成周盛時可跂而及咨爾貴妃謝氏柔明淑靜
夙訓是式事朕初載底予績服勤勞夙夜率禮無違秩
冠四星實亞正壺虛位寢久下無異詞朕遠巡未遑示
不敢易屬聖父有詔其可不即祗若今以良月吉日遣
使通奉大夫參知政事清源郡開國侯食邑一千八百
戶食實封六百戶龔茂良副使通議大夫參知政事吳
興郡開國侯食邑一千七百戶食實封五百戶李彥穎
持節冊命爾為皇后爾尚明聽朕若惟我文母實祐聖
父濟登中興介享曼壽懿範丕矩邁隆姜妊今予一政
一事罔不惟聖父之成是遵是行后於文母尚亦克有
承哉朕日嚴孝養后則必極其順朕時奉禋祀后則必

致其敏惟和而莊則可以表六宮惟柔而正則可以風萬國於敝允若茲訓惟朕永膺多祉后亦偕荷無疆之休可不念歟宣冊訖奉冊進授皇后皇后受冊次受寶并表謝並如儀

十月十二日參知政事龔茂良李彥穎同知樞密院事王淮簽書樞密院事趙雄言臣等恭覩今月十日頒下皇后奏御厨見供本閤內膳雖有常儀載在司然自揣分過安敢叨逾傷生害性尤所不忍欲望聖慈特降指揮權行寢罷上以廣陛下好生恭儉之德下以遂知分廉退之心奉御筆依又親內批皇后閤今來合破人船棹稍權免差破臣等切惟周官膳夫掌后之膳羞歲中不食蓋自昔帝后所奉未使有所限約國朝之制日進

一羊其視成周已為抑損今中宮乃遠巡辭避下至兵船之屬皆故事所當飭備者亦復與免其謙恭仁儉之德於古有光雖中宮天稟純懿出於自然實陛下修身齊家之致臣等比因奏事親聞聖訓謂皇后躬服澣濯之衣至有經數年不易者自膺制冊即欲辭免應得恩數如前所謂內膳羊之類凡數事臣等各已備錄聖語付之史官然四方萬里之遠未能周知矧比歲習俗華靡飲食衣服奢儉踰度上軫宸念思有以革而新之今中宮始聽內治遂能上體聖意如此自家形國自國而化天下其孰不丕應後志以承上之休德昔漢承秦習至文帝時猶以侈靡相高倡優下賤敢為后飭天子之后以緣其領而庶人嬖妾乃以緣其履惟文帝弋絺草

烏夫人衣不曳地示以敦朴躬行不已故海內化之迄
臻富庶臣等請以皇后奏牘并聖訓所及宣示中外仍
飭有司申嚴奢儉踰度之禁使天下曉然知陛下好惡
所在其或不悛必置諸罰庶幾風俗翕然丕變無媿于
漢文之盛詔依奏仍令所屬曹部檢坐禁止奢侈踰度
條法指揮申嚴行下

十月二十二日詔皇后三代可依典故與封贈十月二
十三日詔皇后三代贈三公國夫人

十月二十五日詔皇后弟承信郎閤門祗候謝證與除
右武郎閤門宣贊舍人妻趙氏封安人

十一月十六日皇后妾謝氏劄子奏近具劄子辭免恩
錫內膳酒人船等伏蒙聖慈已賜俞允尚有忱誠仰冒

宸聽伏念妾初乏容德獲履椒塗常恐微分之滿盈以玷聖神之眷寵至於恩數委務檢裁照皇后親屬恩澤依格合行陳乞二十五人頃因臣僚奏請裁減七八今尚餘一十八人而妾族本單于親屬至鮮虛各額無人承當欲望聖慈更賜裁減以備補授庶幾率先誠實務行節儉仰助陛下恭儉之化用以貽訓四方豈獨妾之榮華實天下幸甚詔依所乞更裁減八人

同日中書門下省言已降指揮皇后三代贈三公國夫人今來該遇郊祀大禮詔並贈一字王大國夫人

用命皇后儀

陳設

前期儀鸞司帳設文德殿門之設御座於文德殿中當

南向東西房於御座之左右稍北東西閣於殿後之左

右殿上前楹施庖設香案於殿下太常展宮架之樂於

殿庭之南協律郎舉麾位於宮架之西北東向押樂太

常卿位於宮架之北北向儀鸞司設文武百僚及應行

執事官次於隔門之外設用寶幄次於文德殿隔門外

東廊隨地之宜前一日高書工其日列御馬於殿門外

列黃麾半仗於殿庭之內外設用使副受制位於殿庭

稍南北向東上設承制位於御座之東西又設宣制位

於用使位之東北西向又設奉節位及奉用寶位在使

副東北向又設權置用寶褥位二於奉用寶位稍北西

向舉用舉寶位又於其後用在北寶在南又於用使受

制位稍北設褥位一以俟用使受用副使受寶應行事

官位又於近北西向以北為上典禮位於用使以來北
贊在其後俱西向

臨軒發用

其日已降指揮發用寶垂拱殿起居臣僚並免赴徑赴
文德殿行事應奉侍立質明俟開文德殿門文武百僚
及應行事執事應奉官服朝服入次樂正帥工人先入
位協律郎入就舉麾位太常卿入就押樂位符寶郎奉
八寶陳於御座之左右都大主管官承旨降用寶出垂
拱殿門禮部職掌以次奉舉至文德殿門外東廊用寶
帷次奉節官帥掌節者奉節立於殿下西向行門禁衛
等排立如儀管軍公服繫鞋執伏于殿下東西侍立
御帶環位官並窄衣執骨朵殿下東壁侍
御將皇城司官帶衣閣門官當祇應宣贊舍人已下各
執骨朵殿上侍立

歸祇應位不當祇應宣贊舍人已下並殿下西向立諸
軍將校先入殿東西相向立前導閤門官禮直官太常
博士禮儀使前導位相向立承制宣制官於殿上東西
向立御史臺引殿中侍御史一員先入就位次閤門御
史臺太常寺分引皇太子已下文武百僚入詣殿庭東
西相向立班禮直官宣贊舍人太常博士引用使副入
於文德殿隔門上屏外東西相向立次禮直官引奉用
寶官及舉用寶官並詣文德殿隔門外東廊帷次前立
少頃奉用寶入帷次舉用寶官帥執事人捧舉以行奉
用官後從奉寶官後從寶儀衛如儀至文德殿下權置
訖俟皇帝出宮至文德殿下西閤引閤門官奏中嚴官
版奏中嚴少頃閤門官奏外辦官版奏外辦皇帝服通

天冠絳紗袍西閣簾捲皇帝出西閣乘輦如常臨更協

律郎俛伏跪舉麾興工鼓祝奏乾安之樂凡樂皆協工

鼓祝而後作儀皇帝出西房降輦以俟皇帝出西房閣應慶而後止

門官禮直官太常博士禮儀使前導皇帝內侍承旨索

扇扇合皇帝即御座簾捲殿上鳴鞭行門禁衛等自贊

帝起居內侍贊扇開殿下鳴鞭殿致樂止爐烟升閣門

官禮直官太常博士禮儀使立於御座東西向立禮直

官宣贊舍人太常博士引用使副入就位用使副初入

門正安之樂作至位樂止立定典儀曰再拜贊者承傳

在位官皆再拜禮直官閣門官引承旨宣削官詣御座

前躬承旨訖引降東階知閣上立詣用使前稍東西向稱

有制典儀曰再拜贊者承傳用使以下應在位官皆再

拜訖用使副躬身承旨餘官止直身立宣制官宣制曰

用貴妃謝氏為皇后命宮等持節展禮宣制訖用使副

再拜承旨宣制官升殿禮直官閣門官引歸位閣門官

仁奉節官帥掌節者脫節衣詣用使所掌節者掌節者

立於用使之左奉節官執笏退西向立節授用使用使

措笏跪受訖以授掌節者掌節者立於用使之左奉節

官執笏退復位用使執笏興次詣受用禱位立又引奉

用官詣用使前東北西向立次舉用官措笏跪舉用興

職掌舉用案於奉用官之右置定奉用官用使俱俛伏

跪措笏奉用官以用授用使用使受訖置於案俱執笏

俛伏興舉用官舉用案者舉案用使奉用使俱退位

復次引使副詣受寶禱位立又引奉寶官詣副使前東

北西向立舉寶官舉寶興職掌舉寶案於奉寶官之右

置定奉寶官轉寶授副使並如轉授冊之儀訖

奉寶官舉寶

兼官舉案詣箱

置位

副使

奉寶官俱復位典儀曰再拜

贊者承傳冊使副以下應在位官皆再拜訖持節者前

導舉寶官舉寶冊舉案者舉案進行禮直官宣贊舍人

太常博士引冊使押冊副使押寶正安之樂作冊寶由

中道出文德殿東偏門樂止掌節者加節衣至穆清殿

門外帷次權置冊寶訖冊使以下權退歸次初冊寶出

文德殿門禮直官太常博士引禮儀使進當御座前俛

伏跪奏禮儀使具官臣某言禮畢奏訖伏興退復位內

侍承旨索扇扇合簾降鳴鞭協律郎俛伏跪舉麾興工

鼓祝奉乾安之樂皇帝降座前導官前導東入房內侍

又贊扇開受致樂止次引閣門官奏解嚴官版奏解嚴所司承旨放伏應在位官皆再拜訖以次出

皇后受冊

前一日儀鸞司於穆清殿設皇后座於中門南向又設皇后東西房於座之左右稍北又設東西閣於殿後之左右並隨地之宜又設皇后受冊位於殿庭階間北向又設用寶位四其二在殿東階之東西向其二在殿西階之西東向設內訶者監舉冊寶並舉案內侍位於用寶之後設內命婦妃嬪以下次於殿之左右太常展宮架之樂於穆清殿門之外隨地之宜協律郎舉麾位於宮架之北南向押樂太常卿於宮架之東東向又於殿門外設用寶帳次二並量地之宜又設行事執事官及

外命婦次於殿門之外其日兵部於穆清殿門外隨地設黃麾仗左右排列如儀所司設用寶使副立於殿門外稍北東向以南為上受用寶內侍又於其北少退又設舉用寶位於使副之前東向設轉授用寶褥位四二於用寶使副之前二於內謁者監之前又設內給事位於用寶使副之南東向內謁者監位又於其南司贊設內命婦及內官非供奉官者陪列於位於殿之東廂西向重行北上又設內命婦等朝位於殿庭道東重行北向西上又設外命婦朝位於殿庭道之左右近南每等重行異位北向又設司贊位於東階東南與贊二人在南少退俱西向司贊即典贊就殿庭位外命婦各就門外次俟有司排設樂架并黃麾仗畢以俟皇后常服乘

龍旂肩輿

肩輿

與上皆不用扇

與此如

至穆清殿

西閣內命

婦應陪列者各服其服奉從至閣訖各入次內侍版奏

皇后請中嚴應行事執事官各就門外位立定持節者

立於使副之左少退舉用寶官自用寶帷搢笏舉用寶

使詣用寶副之前西向置於案俱執笏與少立內侍引

內命婦各就陪列位內侍又版奏外辦皇后首飾祿衣

內侍引司言司言引尚宮尚官引皇后出閣協律郎舉

鹿坤安

樂作

凡樂皆協律郎舉鹿工鼓

視而後作偃鹿工鼓

而後上

由西房至

殿上褥位南向立定樂止

凡樂作樂止呼

禮直官宣贊

舍人太常博士引用使副就內給事前西向跪稱用使

姓某副使姓某奉制受皇后備物典用佺伏興退復位

內給事入詣皇后前北向佺伏跪奏訖佺伏興退俟內

給事退復位立舉用寶官俱搢笏跪舉用寶興詣用使
副之前西向置定執笏興次引用寶內侍詣用使前西
向跪舉用官搢笏跪舉用用使稍前搢笏跪以用受內
侍內侍搢笏受用訖舉用官奠用訖執笏興用使執笏
興俱退復位受用寶內侍執笏興次舉用內侍詣用使
前搢笏跪舉用興又內侍搢笏跪舉案俱詣內謁者監
位前少立授用寶內侍及內謁者監俱搢笏跪內侍以
用受內謁者監內謁者監受用奠訖俱執笏興舉用并
舉案內侍舉用并案興詣殿門外東向少立又副使轉
寶受內侍內侍轉授內謁者監並如轉受用之儀訖俱
退復位立掌節者脫節衣以節授掌節內侍內侍持節
前導用寶內侍舉用寶并案進行入殿門內謁者監都

大主管官後從以次入詣殿庭置用寶於西階之西東
 向立持節內侍立於用案之北東向都大主管官往來
 照管內謁者監已下各就位立定用寶出入門宜安之
 樂作至位樂止內侍引司言尚宮贊引皇后降自東階
 至殿下當中褥位北向皇后初行承安之樂止內侍司
 言尚宮司寶并舉寶用案官俱搢笏舉用寶並案進立
 於皇后之右少前西向跪奠訖讀用官立於用案之東
 西向立司言司寶二員進言於皇后之左少前東向立
 又內侍稱有制內侍贊再拜皇后再拜訖舉用官搢笏
 跪舉用讀用官西向搢笏跪宣用訖舉用官奠用訖俱
 執笏興讀用官退內侍又贊再拜皇后再拜次內謁者
 監詣用寶前西向搢笏奉用進授皇后皇后受訖以授

司言又詣寶西向揖笏奉寶進受皇后皇后受用以授
司寶司言司寶置用寶於案舉用寶官舉按官俱揖笏
舉用寶并案興詣東階之東西向位置定皇后初受用
寶成安之樂作受訖樂止內侍贊再拜皇后再拜訖退
殿門外用使副以下以次退

皇后表謝

皇后受用畢次內侍以謝太上皇帝表授皇后再內侍
以案少前皇后置表案上內侍贊再拜皇后再拜次內
侍又以謝太上皇后賤授皇后置於案再拜並如上儀
訖內侍奉表賤以進投進次內侍又以謝皇帝表授皇
后皇后受訖皇后置表案上內侍贊再拜皇后再拜訖
內侍奉表以聞內侍詣皇后前悅伏跪奏禮畢奏訖悅

伏興

皇后受內外命婦賀

皇后受用表謝訖內侍奏禮畢內侍引司言司引尚宮尚宮引皇后升座皇后初行和安之樂作即座南向司賓奉寶置於座前樂止司賓引內命婦陪列者以次進就北向位班首初行協律郎舉麾惠安之樂作至位樂止司贊曰再拜贊典贊承傳內命婦皆再拜司賓引班首詣西階升樂作至階上樂止進當皇后座前北向躬致詞稱賀降自西階樂作至位樂止司贊曰再拜贊贊承傳內命婦等以下皆再拜司言前承令降自西階詣內命婦前西北東向稱令旨內命婦等以下皆再拜宣令旨訖司贊曰再拜贊承傳在位者皆再拜司賓

以次引內命婦還宮拜首初行樂作出門樂止內侍引外命婦出次至殿門司賓引詣北向位班首初入門咸安之樂作至位樂止立定司贊曰再拜典贊承傳外命婦皆再拜訖司賓引班首進升奉賀復位再拜樂作止及宣令再拜等皆如內命婦之儀訖司賓引外命婦以次出班首初行樂作出門樂止內侍詣皇后前俛伏跪奏禮畢奏訖俛伏興皇后降作徽安之樂作入東房樂止歸閣泰安之樂作至閣樂止押樂太常卿協律郎工人伏銜以次退

皇后會外命婦

皇后受內命婦賀禮畢皇后更常服內侍承令宣外命婦入皇后升座會外命婦並如宮中常儀會畢司賓引

外命婦降階橫行北向司贊曰再拜典贊承傳在位者
皆再拜訖以次出皇后還宮

中興禮書第一百九十六卷

嘉禮二十四

用妃

建炎元年六月潘氏進封賢妃

制用

紹興十四年四月日制曰璇霄憲象元妃冠四星之曜
椒掖視儀碩媛首六宮之進維時華綴克振芳徽式禋
陰教之脩以厚人倫之化肆疇厥位誕告在庭婉儀吳
氏毓德賢明流風涓覲言容合於法相惠敏通乎詩書
動則唯和允蹈鳴環之節恭而有禮雅遵流行之歌絲
良家八月之求席宸扆九重之眷每勤夙夜密侍邃嚴
旋陞宮秩之崇益播休聲之茂屬國家之多故迺嬪御
之靡充爰舉舊章庶揚內治是用擢自婉儀之懿進膺

瑜翟之華寵貫異魚祿恭祀燕秩峻公台之右名超德
淑之稱匪出朕私蓋昭國體於戲化由近始王者必務
於齊式教外孚天下舉明於婦順期協和平之美事成
輔佐之功祇服寵光以對嘉命可特進位賢妃仍令所
司擇日備禮册命

冊不受用

紹興十四年十一月九日制曰朕紹興基緒撫御家邦
爰有淑女之賢夙幸泰陵之遇想典刑之猶在况年德
之俱尊進位視恩揚廷孚號婉儀慕容氏稟資謙肅植
志靜專訓靡怠於姆儀動必遵於圖史暨預紫庭之選
益昭彤管之輝藻鑒精明獨前知於聖母蘭心芳潔今
娛侍於東朝雖春禮之每加尚名秩之未稱是循異制
庸舉裴章積自九嬪之聯陞處四星之次增光壺則歸

厚民風於戲思孝奉先實廣因心之愛近親貴老益類
推錫之仁祇服寵榮永綏壽豈可特進位賢妃仍令所
司擇日備禮册命先是上年餘七十見姚侍太后可進
位賢妃遂降此制解不受用

中興禮書第一百九十七卷

嘉禮二十五

用命親王一

紹興三年二月十四日詔伯琮特除和州防禦使仍賜單名偏傍從玉令學士院撰二十字迺注下各注意義
進入

二月十六日制曰廣建宗藩固有維城之固大封同姓漢成盤石之安眷予族屬之賢宜厚褒嘉之典和州防禦使伯琮英姿天稟令器夙成幼有異能蚤承義訓第篤詩書之好靡矜富貴之華卓爾不群可表儀於皇籍毅然特立當屏翰於王家俾膺綸命之班頌峻正兵房之任茲為異教益匪異章朕不令爵秩以敦骨肉之恩

爾其全忠孝以明君臣之分能尊愈恭而富貴儉宜永戒於驕奢則滿不溢而高不危庶益隆於闡望往祇於訓無怠爾心賜名伯琮可改除貴州防禦使

三月十七日詔貴州防禦使伯琮請給並支真体内東門司供納

紹興五年五月二十六日制曰立愛惟親惇九族以厚人倫之教馭賞以爵詔八柄而示天下之公朕治始於齊家家義隆於尊祖眷求屬籍蚤毓宸闡迨茲就傳之初式舉出封之典涓休穀旦孚號治朝貴州防禦使伯琮聰哲夙成溫文思稟威儀日就體凝四氣之和理義生知性備五常之粹身憑休於祖武久承訓於公庠資大雅以不群聞為善而最樂襲神明之胄獨擢秀於本

支繩信厚之風靡踰閔於典則屬御中興之旰昃仰懷
創業之艱難仁有篤於親親恩實加於幼幼喜及勝衣
之拜載嘉成德之容學禮聞詩固已從容而中道隆師
親友庶幾脩進以及時俾從西學之游遂允宗藩之任
辦九幾而剗壞首開公社之封建六蠹以制師額付將
旄之節仍敦邑采并實租腴匪為汝私實蔽朕志於戲
收族以嚴宗室爾毋忘流澤之光稽古而建國家予以
壯維城之勢惟恭儉可以長世惟忠孝可以視身勉服
令猷永綏慶譽可特授保慶軍節度使建國公食邑一
千戶食實封三百戶

六月七日詔建國公赴資善堂聽讀

六月十二日詔建國公請給依政和祿格內皇子節度

使帶國公請受則例支破仍支給真俸內東門司供納
紹興十二年正月九日尚書省言已降指揮建國公於
三月內選日出外第依親賢宅差提點官并都監令入
內內侍省施行

二月十一日中書省言已降指揮令伯琮於三月內選
日出外第太史局供到狀三月四日丁酉吉六月乙亥
吉九月壬寅吉詔用三月四日

二月十三日制曰治自內則先親式重本根之輔禮沿
情而異制丕昭明器之公嘉我宗藩久隆雋望將即居
攸之吉宜盼徽數之崇爰輯廷紳誕敷顯冊保慶節度
使建國公食邑二千戶食實封七百戶伯琮體壯而志
正氣裕而識融聰敏天成允矣神明之胄溫良自得渾

然金玉之資夙承訓於宸闈日陳經於傳學雍容文藝
郢客肆業之詩蹈履中和得東平為善之樂朕深惟屬
籍之懿仰承祖武之休迺考龜猶俾消辰而授第參稽
邦典茲序爵以造朝峻陞亞保之班榮視二公之貴金
印盤授肇疏王社之封玉節珮戈仍令將旄之舊申陪
多井併衍真祖僉論允諧予衷先定豈特示帝室悖宗
之盛亦以彰慶源流澤之光於戲顧乃德而遠乃猷朕
方稽古以明訓高不危而滿不溢爾其勵志以視身永
暨忠孝之誠益壯翰維_之勢往祗溪涇茂對榮懷可特授
檢校少保依前保慶軍節度使進封善安郡王加食邑
七百戶食實封三百戶

二月二十八日閣門言將來善安郡王起起居其立班

等令禮部太常寺御史臺同閤門討論申尚書省後殿
進呈詔將來起赴朝參立班等自合立本官班

三月二日御史臺閤門太常寺言已降指揮善安郡王
出外第合赴朝參其上下馬去處待漏院與待班幕次
及儀制節次并合與不合諸處朝謁燒香等可剗與閤
門官等處指定聞奏今具合行事件下項 一合起赴
朔望遙拜非次慶賀拜表筵宴等 一常日起起居合
於皇城門外宗室正任閤子內待漏及合於殿門外宗
室正任幕次內待班 一每遇起赴入皇城門合於太
尉之後行馬 一每遇文武合班各在西班立本官班
一合起赴常日起起居忌辰行香隨駕朝獻行幸等
一朔望常日起起居合於太尉後外官節度使前起居

一忌辰行香合於百官行香之前先入行香 一今
來出外第即不合詣諸處朝賀燒香詔依

三月六日皇城司言今來出外第赴朝參合於宮門外
上下馬詔依

同日詔普安郡王出外第十日令行在宗室正任以上
自府門送至第

同日詔普安郡王府置教官二員

紹興十七年六月二十六日制曰朕荷天洪修休時大
報賴宗英之顯相宜國典之褒嘉爰錫明綸誕告清著
檢校少保保慶軍節度使普安郡王食邑三千四百戶
食實封三百戶伯琮儀矩莊重氣質粹和無習侈以流
心居多誼理之閑知為善而最樂博極詩書之聞登壇

分帥間之麾斥郡賜王封之履茲成釐事用舉慶條綴
拱輔之旌旄改授武陵之節鉞復增餘賦益行真祖以
率國事以悖邠族於戲民和而神降福尙克享於天心
德寧而宗維城尚同獎於王室往祇寵渥毋怠欽承可
特授依前檢校少保常德軍節度使善安郡王加食邑
五百戶食實封二百戶

紹興三十年二月二十七日詔曰朕荷天右序承列聖
之不基思以垂裕於後夙夜不敢康永惟本支之重彊
固王室親親尚賢厥有古義善安郡王珀琮藝祖皇帝
七世孫也自幼鞠于宮闈巍然不群明哲端重閱諳有
立亢于宗藩歷年滋久厥德用茂望實之懿中外所聞
朕將考禮正名昭示天下夫立愛之道始於家邦自古

帝王以此明人倫而厚風俗者也稽若前憲非朕敢私
其心伯琮為皇子仍改賜名伯琮故茲詔示想宜知悉
同日制曰聖人謹禮具垂百世之規君子篤親爰假有
家之吉朕祇膺景運寅奉丕圖思置天下於磐石之安
必侈公室於維城之固恩絲貴始國以宗彊事資右序
之休用協榮懷之慶我有明命敷于大庭皇子檢校少
保常德軍節度使普安郡王食邑九千五百戶實封三
千三百戶伯琮邃稟天成雋猷時敏體備五行之秀氣
兼四序之和問安早侍於宮衛學於不煩於師傅旋開祇
第就畀齋旒卓犖不群久矣神明之胄溫良特重居然
信後之風韜才識以益充居富貴而不溢游心典籍惟
前言往行之師接席賓僚有春誦夏絃之樂用是深存

睦獎肆示褒嘉錫山與田用王封之真命維家及黼視
率路之綉儀易宣城之巨藩疇爰田之多色以壯本支
之形勢以親中外之觀瞻於戲昭令德以示子孫朕無
忘於斯義藩王室以和兄弟爾思配於前人勉服訓辭
益光蕃衍可特授寧國軍節度使開府儀同三司進封
建王加食邑一千戶食實封四百戶令所司擇日備禮

用命

辭免受册
宜允

三月一日權禮部侍郎宗棊等言恭覲詔書麻制以普
安郡王伯琮為皇太子改賜伯琮名除開府儀同三司
進封建王依典故施行詔依

三月二日閣門言契勘見行臣僚合班圍親王立西班
與東班三公三少相對使相在親王之後與東班宰臣

相對過缺三公三少依令權依移宰臣與親王相對今
未合依見行條令若親王請假權移使相與宰臣相對
如對御賜酒及賜茶生次依圖本親在西壁與三公三
少相對過闕三公三少亦合移宰臣與親王相對使人
到闕赴宴等立班欲乞權移親王過東壁於宰臣之東
一行立取詔過人使到闕宴會茶酒並免赴餘依奏
三月初四日吏部言准二月二十七日詔皇子伯琮已
除開府儀同三司進封建王其序位立班人從侍班幕
次合有司檢具條例指定申尚書省取旨本部勘會序
位照得職制令諸王開府儀同三司係在尚書左右樓
射同中書門下平章事之下知樞密院事之上又閣門
條具事宜下項 一依儀制親王赴垂拱殿并後殿起

居合於宰執大班後入 一遇合班處親王合立西班
與宰臣相對 一遇景靈宮行香立班合押宗室班行
香 一麗正門外待漏閣子合在西廊與宰執閣子相
對見今使相閣子合行趨那近南 一和寧門外待漏
閣子合在西壁與宰執閣子相對見今使相閣子合行
趨那近北 一如遇拜表慶賀垂拱殿門外侍班幕次
合在宰執之次釘設其使相幕次合以次趨那設釘
一垂拱殿門內侍班閣子合與西廊與宰執閣子相對
釘設 一後殿門外侍班閣子合在宰執閣子相對合
來緣殿門外東西廊別無措置去處欲乞將見於南廊
上宰執閣子之西空閑閣子充侍班 一遇景靈宮行
香門外待漏閣子合於宰執閣子之次 一遇朝獻景

靈宮并忌辰行香殿門外侍班閤子合在西壁與宰執

閤子相對詔依

始興三十二年用命郡王慶王恭王閤門係具到立班侍海閤門等並仿此

三月十四日禮部太常寺言已降指揮普安郡王為皇

子除開府儀同三司進封建王合奏告天地宗廟諸陵

尋關太史局選到宜用三月十八日丁酉吉其合用御

封香祝禮料等今比附自來奏告禮例排辦所有合差

奏告官天地乞差侍從宗廟諸陵乞差宗室正任以上

充伏乞朝廷降勅差官其合差光祿卿奉禮郎太祝太

官令等官欲乞依自來禮例差太常寺官并吏部臨安

府差官施行內奏告昭慈聖獻皇后橫宮徽宗皇帝橫

宮顯肅皇后橫宮顯皇后橫宮懿節皇后橫宮合差奏

告官五員乞仁下紹興府大宗正司差宗室充太祝五

員乞下本府差官候香表到日令兩橫官司依自來奏告體例擇日排辦行禮詔依

三月十九日詔親王初除恩數請給令有司檢校格例申尚書省

四月二十四日詔皇子建王歲賜公使錢三千貫逐月均給其初除推恩合得承信郎四人令依例陳乞

紹興十六年七月二十二日吏部言普安郡王二子令取索補官條法取旨大宗正司具到宗室賜名授官令格體例總麻以上親右內率府副率袒免親保義郎昨紹興五年內右千牛衛將軍安邵男賜名授官賜名居端補右內率府副率詔可賜名愉愷並補右內率府副率

二十年二月十六日詔善安郡王第三男賜名悛

杰
悛

宗依長男次男例補官

二十一年六月二十一日詔善安郡王長男愉可改賜名悛

二十八年正月二十二日詔善安郡王長男右內率府副愔可特轉右監門衛大將軍榮州刺史請給等並依行在赴朝南班宗室例支破

三十年正月十八日詔善安郡王次子愔可授右監門衛大將軍請給等並依行在赴朝南班宗室例支破

四月一日詔皇太子建王長子愔可特轉蘄州防禦使次男愔可特轉貴州團練使悛可特轉榮州刺史告內並帶皇孫字

三十二年六月二十三日詔情悖悖愷並改稱皇子

九月一日制曰建極皇而錫厥民既舉非常之澤受帝
 祉而施于子庸盼不次之恩朕祇通詒謀記膺丕緒有
 秩我邦之祐維時上嗣之良端笑揆辰揚庭敷紉皇子
 蘄州防禦史愔英姿山峙令聞川流學潛六藝之源氣
 韜五行之秀辨壽街之吏牘灼見事幾記建鄴之刑書
 固知物表久奉朝於外即尤鍾愛於上皇通茲臨御之
 初可後疏榮之律仰承慈誨首下徽章馳鈕盤華莫新
 疆而昨土繡裳夏篆列亞保以升班啟二嶠節制之雄
 界千戶賦朕之厚并昭蕃數用協師虞於戲非劉氏者
 不王漢約具存於方策分康叔以大路周盟益壯於本
 支惟謙恭足以視身惟孝友乃能睦族其若茲誥以綏

厥猷可特授少保永興軍節度使進封鄧王食邑一千

戶食實封四百戶令所司擇日備禮冊命

辨克受冊
降詔宜九

同日制曰朕荷太上之詒謀紹中天之興運德洋恩普
方均海日之休積厚流光可後本支之懿睦時次嗣夙
孰能賢肆頒大冊之華敷告群工之聽皇子貴州團練
使性質涵淑茂氣備中和服儒雅以彰身斥脂腴而勵
志威儀可象厲文高北海之才孝友自將為善得東平
之樂粵從弱歲入奉外朝穆如信厚之容允矣委蛇之
度屬慈闈之有命宜徽數之是膺金路介圭位列真王
之貴衮衣寫履杖參上宰之崇植籙節於咸秦拓幹封
於采邑以壯犬牙之勢以光麟趾之風於戲昭令德以
示子孫宜謂非常之慶蕃王室以和兄弟更恢可久之

規惟欽有承俾服無畏可特授雄武軍節度使開府儀

同三司進封慶王食邑一千戶食實封四百戶令所司

擇日備禮冊命

冊免受冊降詔宜九

同日制曰稽古而建國家方靈承於大統定位以廣藩
翰庸誕舉於舊章迺賤嗣賢蔚為令器協剛辰而稟告
咨列辟以無諱皇子榮州刺史惇璠萼騰輝銀潢毓秀
夙賦惠和之性彌彰莊重之風春誦夏弦探聖門而有
昏定省晨詢膳宰以無違自登冠於阼階即入趨於朝
著若時結服肆議疏榮矧慈訓之臨可緩褒條之下太
啟爾宇曳王帑於新邦言觀其旂擁將牙於巨屏參視
台衡之秩並疇邑戶之翰宣曰和親厥惟成憲於殿上
下序而民志定丕昭名器之公形勢強則王室安用輯

本支之茂往綏燕譽益永孚休授鎮洮軍節度使儀同
三司進封恭王食邑一千戶食實封四百戶令所司擇

日備禮册命

詳詔並允

四日詔皇子愔已除少保永興軍節度使進封鄧王愔
除雄武軍節度使開府儀同三司進封慶王惇除鎮洮

軍節度使開府儀同三司進封恭王其序位立班人從

待班幕次令有司檢具條例指定申尚書省

帝親日參并殿起居差及遇持官朝禱殿內知問門

殿知閣門官引至起居位及遇持官朝禱殿內知問門

官引構詔依其序位立班幕次並知起

始興三十年間門條共建王序班立班等制

中興禮書第一百九十八卷

嘉禮二十六

冊命親王二

親王出鎮

乾道七年二月八日制曰因親而立愛恩莫重於本支
論功以定封勢將隆於藩輔眷維賢胄綽著令猷宜膺
馭貴之公用篤有邦之慶肆諏穀旦敷告治朝皇子雄
武軍節度使開府儀同三司慶王食邑四千戶食實封
一千六百戶愷識度曠夷性資誠怒圭璋挺秀質蓋表
於粹溫斧藻舒文道實深於儒雅閱理素多於譽處飭
躬每戒於滿盈修子職之恭靡怠夙興而夜寐懋賢人
之業常思幼學而壯行是用併錫徽章出當重寄衮衣

赤舄秩仍視於三旌珥戈淑旂寵兼崇于雙節進賜大名之履榮分寧國之麾增衍畬祖陪敦真賦庸示連城之圖式昭制閭之雄庶資仁風克填近服於戲詠文王之孫子朕方承令問之休等漢祖之山河爾尚迪永承存之福諒惟天屬能體予懷可依前皇子開府儀同三司特授雄武保寧軍節度使判寧國軍府事提舉學事兼管內勸農營田進封魏王使加食邑一千戶食實封四百戶令所司擇日備禮册命

辭免受册
詔宜允

十二日尚書省言勘會已降制魏王判寧國府詔令禮部太常寺秘書省國史院疾速討論建置官屬及接見郡官等應干典故申尚書省十六日禮部太常寺秘書省國史院言勘會已降指揮令討論魏王判寧國府建

置官屬及接見郡官等應干典故申尚書省令具天聖
令親王府長史一人字同州司馬一人字同長史記室參軍
事二人字未詳命討論到典故照得親王出鎮有長史
司馬記室參軍合從朝廷參酌建置所有接見郡官一
節典故與見今儀式輕重不同外照得紹興間曾有前
宰相汪伯彥以檢校少傅保信軍節度使知宣州緣宰
相與親王事體相類今欲乞下本府檢照當時汪伯彥
接見郡官體例比類勘酌施行詔置長史司馬各一人
記室參軍事二人其長史司馬序位依兩省官奉使法
記室參軍事序位在諸州通判之上餘依討論到事理
施行

二十二日詔親王愷出鎮可依元祐五年文彥博例宴

錢於玉津園

二十三日太常寺言勘會已降指揮宴錢會魏王於玉津園劄付寺條具合排辦事件申尚書省 一檢照國朝會要宰相樞密參知政事使相節度使見辭曰皆賜飲其日宣徽三司使學士節度使兩使留後觀察使已上並預 一檢照哲宗皇帝實錄元祐五年二月甲子詔即玉津園宴錢太師文彥博宰臣呂大防主之三省樞密院暨侍從官赴契今來勘合赴坐官欲乞從御史臺閣門參酌上件典故條具申請 一所有宴錢應合排辦事件今欲乞令所屬參照自來賜宴體例各行疾速排辦詔依仍令日下修具參照申尚書省同日翰林司言魏王出鎮宴錢於玉津園照得本司省記條法內

即無該載上件排辦事理今來欲乞隨宜比附正旦紫宸殿宴例排辦酒九盞所有合用器皿於宴設庫關請酒果柴炭等令臨安府供納應付卓依子等令儀鸞司釘設護依喜雪御筵排辦

二十四日御史臺閤門言准尚書省劄子太常寺狀魏王出鎮可依文彥博例宴餞於玉津園今條具參照下項一御史臺欲依太常寺條具到典故用宰執暨侍從官權侍郎以上赴坐一閤門今來玉津園廳上稍窄照喜雪御筵體例欲乞其日用使相以上并學士待制赴坐一赴坐官除宰執使相以依例席面外餘官分東西班相向坐並以北為上如窄隘即合隨宜以次趨那所有合赴官應望闕起居謝恩等立班及宣勸並

乞依逐次賜喜雪御筵體例 一至赴坐官闕立班定
揖躬身再拜起居訖直身立再揖躬身中使宣有勅再
拜聽口宣訖再拜措笏舞蹈三拜直省官於班前跪執
謝恩表再拜訖班首稍前措笏以表授中使訖退赴坐
俟中筵起再生謝花望闕再拜訖退赴坐俟禮畢退
一賜御宴如至日值雨或沾濕並依條例免起居謝恩
一賜御宴慮人從轎馬喧鬧不肅其起合坐官自合
量帶人從入出外更乞行下皇城司至日多從親從官
前來守把約攔 一依例御史臺閤門參照賜宴體例
貼設坐圖至日報引班次等祇應 一檢准御史臺令
諸朝會應賜酒食之類有不如法者殿中侍御史察舉
今欲乞至日依條牒殿中侍御史一員前去檢察詔依

二十五日皇太子言竊聞魏王啟行有日在臣同氣之分義當違別詔可免

三月三日寧國府申禮部太常寺言書省國史院討論到典故照得接見郡官一節與見今儀式輕重不同紹興間曾有前宰相汪伯彥以檢校少傅保信軍節度使知宣州緣宰相與親王事體相類乞下本府檢照汪伯彥接見郡官體例比類勘酌施行府司據前客將供具下項一前知府汪相公初入府界沿路如有州縣官遠接臨時取稟以官序請見或傳語候到相府見一禮上日本府官員並在客位客將分子資次以官序用坐圖二面及以客目牌子分西北兩行排坐圖坐圖一面安在客位呈知官員一面先次呈定留坐位右手下

候謝恩交割府事牌印畢第一次先請權府官通判第
二次請近上寄居官并路分鈐轄第三次請教授職官
及以次寄居第四次請兵官丞參簿尉監當官官並階
埽訖退所有近上寄居官并通判路分鈐轄教授並就
廳上轎 一逐日早衙過出廳應有職事稟覆官及過
往參辭官並公裳客將依前項禮上日用坐圖排辦定
呈覆請見內過往參府官先覆知合與不合請見如官
員呈納稟覆劄子等文字客將呈坐圖時覆知茶畢轉
索汪相公起立取稟官扣案前呈稟請判或留下並收
入紫袋候官客退呈押如是合塔埽不應接坐官有職
事稟覆候轉安押文字時上廳取稟訖退 一晚衙有
職事取稟官並衫帽客將上官客牌取覆請見茶畢轉

案呈納文字畢點湯退內有合就廳上轎官即當廳上
轎所有塔墀官依前項早衙體例府司所據供具到事
狀送法官參詳條法禮例指定去後據申檢照條法及
五禮新儀別無該載親王判府接見郡官禮例條法及
五禮新揮降下遵守後批送禮部同太常寺參酌條具
申尚書省今參酌比附條具下項 一入府界州縣官
遠接長史司馬前知府接見外餘官傳語候到府相見
一禮上日接見寄居官文臣侍從以上武臣觀察使
以上許就廳上轎其路分鈐轄教授以上循廊揖退餘
官並塔墀退 一遇出廳先見長史司馬其本府官有
職事呈覆臨時取稟其過往參辭官令先投呼召候點
請方許參辭詔依并本府所申施行

淳熙元年十月二十八日制曰開宗藩而作輔有嘉賦
 政之勤更制間以疇庸式重維城之寄若時賢胃夙殿
 大邦肆疏易鎮之恩宜渙告廷之寄皇子雄武保寧軍
 節度使開府儀同三司判寧國軍府事魏王食邑六千
 戶食實封二千四百戶愷星潢分潤廟璉凝輝大雅不
 群姿蓋由于天稟為善最樂心仍逸於日休蚤開朱師
 之居亟煮白茅之社儀軍宰路煥華袞之九章威峻將
 壇擁駢旄之雙節比荷剖符之寵肆圖建屏之休勳布
 千里之教條居惟謹度奉三年之計最可後陟明其效
 一札之細書改曳四明之新組命圭赤舄修覲禮以既
 成鄴水鄧山顧方維而增賁仍數多邑併示徽章於戲
 周命懿親制莫隆於分陝唐王諸子任或畀於典州允

迪令猷永綏吉履可特授依前皇子雄武保寧軍節度使開府儀同三司魏王判明州軍州事兼沿海制置使加食邑一千戶實食封四百戶主者施行

四年四月五日制曰四牡入覲旂章載錫於諸侯三公出封車服皆隆於九命茲謂周家之忠厚實壯文王之本支眷言愛子之賢來報名藩之政是稽古誼爰詔斯庭皇子雄武保寧軍節度使開府儀同三司判明州軍州事兼管內勸農使兼沿海制置使魏王食邑九千戶食實封三千六百戶愷志節安和德猷粹穆淑身謹行居有令名保國乂民勤無過舉自再分于劍武嘗屢下於盟書念夫表海之勞遂乃朝宗之願三雍奉對固深留仰之思二陝分疆莫遏懇崇之請宜敷帝祉以答毗

謠惟庶正之隆名乃承平之異數昔優襲於子弟今率
用於典常載披輿地之圖雙換齊壇之節民瞻爾赫荆
州還府號之親慶積家餘毫社契王封之舊子之多邑
豐厥寶輸誕頒典冊之華諒慝旄倪之志於敵班高尹
日夙嘉春見之朝賞候景夙痛對夏時之吉惟制節謹
度則責可常守惟公以滅私則民其允懷歸寧爾邦典
聽朕教可特授荆南集慶軍節度使依前開府儀同三
司行江陵尹判明州軍州事兼管內勸農使兼沿海制
置使魏王加食邑一千戶食實封四百戶令所司擇日
備禮冊命

解元州命
降詔宜允

十八日禮部太常寺言皇子荆南集慶軍節度使開府
儀同三司行江陵尹判明州軍州事兼沿海制置使魏

王愷劄子奏伏蒙聖慈特除臣行江陵尹緣臣今判明
州所帶上項職事即非在京遙領竊恐事體不無相戾
及禮數節目與先來出鎮事體不同蓋向來出鎮之初
所降指揮止是判寧國府兼一時之間討論禮數亦有
未盡去處今來既除臣帶行江陵尹望下國史院太常
寺斟酌事宜逐一檢照指定行下以憑遵守詔令討論
申尚書省劄付禮部同太常寺日下同共分明指定照
得典故韓琦係除行京兆尹再任判大名府文彥博係
行真定尹判河南府其京兆尹真定尹並係遙領於典
故即不該載于預京兆尹真定尹職事并紹聖二年十
月徐王顥除淮南荆南揚州牧進封楚王紹聖三年三
月大寧郡王佖除鎮安武勝等軍進封申王並降示諭

本通勅書及布政勝并至道祥符典故親王除授都督
州指揮本道不得差人上京兼在京親王除鎮止係遙
領今來魏王性降制除授行江陵尹判明州欲依韓琦
文彥博體例及親王領鎮典故約束本道不得差人前
來并合降示諭本道勅書及布政勝兼照得宋敏求春
退朝錄載夏鄭公為宣徽使忠武軍節度使自河中府
徙判蔡州道經許昌時李邯鄲淑為守乃徙居他所空
使宅以待之夏公以為知體除外別無該載所有乾道
七年判寧國府討論禮數一節今來即不見得有是何
未盡去處乞令本府開具未盡去處申明行下以憑看
詳施行詔依

同日禮部太常寺言皇子荆南集慶軍節度使開府儀

同三司行江陵尹判明州軍州事兼沿海制置使魏王
惟奏伏蒙聖恩除臣行江陵尹所有印記未審合與不
合鑄造乞下所屬施行詔令分明指定申尚書省照得
典故親王兼領兩鎮有司合其名鑄印一鈕已降制魏
王除荆南集慶軍節度使開府儀同三司行江陵尹判
明州軍州事兼沿海制置使今來有司已行鑄造荆南
集慶軍節度使牌印了當所有江陵尹印記於典故別
有該載鑄與不鑄之文若朝廷許行鑄造即別無妨碍
候指揮下日以江陵尹印四字為文并牌複匣糾袴前
全下所屬鑄造施行詔令所屬鑄造

五年閏六月十三日制曰朕博觀前代之文樂取成周
之制初則恩加子弟崇疏五等之封建其日奏勲庸越

進九州之長以阜成於兆姓以夾輔於丕基眷我親賢
久於藩翰參用典常之舊載颺綸綍之新皇子荆南集
慶軍節度使開府儀同三司行江陵尹判明州軍州事
兼管內勸農使兼沿海制置使魏王食邑一萬戶食實
封四千戶愷植德端良受材英邁蹈詩書之至樂懷忠
孝之永圖霄極憑暉夙昨王封之貴洛維分鎮恪修侯
度之恭熙然田里之安翕爾士夫之譽奉公履正獨倡
率於列城簡賦平徭首遵象於美意間推功於上介居
決澗於行却謙謙自牧之光翼翼令儀之則念八載宣
勞於外實簡慈懷嘉兩邦報政之優特隆徽數是用以
古元侯之重責令雙鉞之華旌麾遙鎮於長安節制兼
臨於真定腴田載行幹食隨增蕃宣雖殿於東南咸重

庶加乎西北於戲八命作牧陟明昭考績之公四方為
網進律亦有功之勸向對揚於休命永膺保於令名可
特授永興成德軍節度使雍州牧依前開府儀同三司
判明州軍州事兼管內勸農使兼沿海制置使魏王加
食邑一千戶食實封四百戶令所司擇日備禮冊命

冊命降
詔宜九

八月二日禮部言准都省批下皇子魏王愷奏近蒙聖
恩除臣雍州牧所有印記未審合與不合鑄造伏乞睿
旨行下所屬施行後批送部看詳申尚書省尋行下太
常寺看詳今檢照國朝會要即無諸州牧鑄印典故今
照得淳熙四年四月內皇子魏王除江陵尹乞鑄造於
典故亦無該載係朝廷特降指揮許依皇子魏王令所

屬鑄造了當今看詳若朝廷降指揮許依皇子魏王所乞欲乞比附除江陵尹鑄印體例候指揮下日以雍州牧印四字為文并牌複匣跽褥全下所屬鑄造施行詔令所屬鑄造

十七日詔令禮部太常寺條具親王出鎮加牧合行禮

例

坐衙見家
出入鼓吹

申尚書省

二十四日禮部太常寺言今檢照國朝典故指揮照得祖宗朝親王除授諸州牧並係遙領即不該載坐衙見客禮例契勘昨魏王乾道七年判寧國府已有討論到接見郡官指揮今來雖加州牧按乾道令王正一品諸州牧從二品班序係在親王之下合依前來禮例所有鼓吹政和五禮新儀唯用命諸王日自第備本品鹵簿

入右掖門及國朝會要凡諸府牧天子巡狩於其境行
大禮則州牧備奉引即不該載諸州牧出入鼓吹典故
檢准紹興重修在京通用令諸文武官謁見親王儀同
宰相詔除出入吹鼓依已申事理外令禮部太常寺取
會三省行首見今宰相見容禮例條具儀注申尚書省
十月三日禮部太常寺言寄居及過往前宰執使相兩
府太尉侯親王出廳降揖序坐茶湯畢就廳上橋一
接見見任寄居文官侍從官以上武官正任觀察使以
上及見任三衙管軍知閤侯親王出廳贊請某官俟到
位贊揖訖就坐點茶畢出笏取覆訖贊就坐點畢出笏
揖就廳上轎內文官曾任侍從以上同一見長史司馬
并見任本任監司及寄居過往監司諸州知州侯親王

出廳繫鞋贊請某官俟到位贊揖訖就坐點茶畢贊撥
轉倚子出笏取覆訖不照湯揖循廊退 一見見任寄
居過往參議官并請路知軍王府記室參軍等欲並依
昨來判寧國府禮制施行詔依

高宗建炎四年十一月五日太常寺言檢會冬至皇帝躬率百官遙拜道君皇帝淵聖皇帝訖御殿百官起居宰執更不奏事是日作休務假本寺勘會今來冬至日并來年正旦欲依上件禮例施行詔依自是至紹興六年仿此

紹興七年閏十月六日行在禮部太常寺言勘會自來冬至日皇帝躬率百官遙拜淵聖皇帝表訖依例御殿百官起居緣今來係在聖文仁德顯孝皇帝顯肅皇后未祔廟已前所有將來十一月一日冬至日今參酌禮例申請下項一冬至日乞依見旦望遙拜禮例是日宰執率文武百官於行宮門外遙拜淵聖皇帝表所有表文乞令部禮修撰書寫其表不入詞俟拜訖付禮部

收掌候問安使行日附行 一所有冬至日依禮例皇帝御殿百官起居緣今來係在未祔廟已前欲乞是日文武百僚依旦望禮例於常御殿門外進名奉慰詔依十二月十八日行宮禮部太常寺言來年正旦留守以下至日合詣行宮北門立班拜表今來係在聖文仁德顯孝皇帝顯肅皇后服制之內難以作賀表又緣已係祔廟畢欲乞改作拜起居表仍乞於十二月二十一日先拜六參起居表訖次預拜正旦起居表其拜表節次等依近冬至禮例施行所有表依例行宮行首司收接留守司差人投進兼正月一日留守以下先詣行宮南門遙拜淵聖皇帝訖次赴行宮北門拜六參起居表詔依

九年十一月五日禮部太常言勘會將來冬至日乞依見今旦望禮例是日皇帝於禁中遙拜淵聖皇帝更不御殿群臣於南宮門外遙拜訖次宰執率百官僚詣常御殿拜表稱賀其日禮部郎官轉表授班首班首轉授閣門官其表依在京冬至正旦不御殿禮例入詞所有來年正旦亦依此施行詔依自後放此

十二年正月十六日禮部太常寺言都省批送臣僚劄子竊以元正一歲之首冬至一陽之復矣聖人重之制為朝賀之禮焉自上世以來未之有改也漢高以五年即位而七年帝受朝于長樂宮我太祖皇帝以建隆元年即位受朝于崇元殿長樂宮我太祖皇帝正至朝賀初未嘗講豈難艱之際不遑暇歟茲者太后還宮國家

大慶四方來賀。置惟其時。欲望自今冬至元正。舉行朝賀之禮。以明天子之尊。庶幾舊典不致廢墜。令看詳申尚書省。契勘朝會之禮。依國朝故事。冬至正旦。有司前兩月申請。取旨排辦。昨自艱難之際。權不舉行。今來臣僚申請。合依舊舉行。依儀設黃麾大仗。車輅道遙。平輦法物樂舞等百僚服朝服。再坐上壽。宣公王等升殿間。飲三周。詔依仍自來年舉行。

十九日。臣僚劉子奏。臣竊以王者所幸。為京師言。京大而師衆。四方之人。必以衆與大歸之。故有朝宗覲遇會同之禮。向侯賓。要荒服之制。以九儀之命。正邦國之位。端己南面。而治百官。備物而動。所以為慎重。肅恭尊君。卑臣之典。又為車服旗章。以旌之。贊幣瑞節。以鎮之。聲

容文物以紀之於是乎正班爵之義訓上下之則所以興衰撥亂使民回心而鄉道亦非天之所為蓋人之所設也人之所設不為則不立不修則壞昔漢高祖既得天下命叔孫通定朝儀當十月長樂宮成諸侯來朝莫不震恐高帝悅而嘆曰吾乃今日知為天子之貴也惟我國家繫周之憲度恢漢之規模其亦尚矣陛下盛德大業超軼古今時號中興功逾肇造久撫艱難之運禮文多所未修今格和寧之期舊典宜加蒐舉欲望明詔有司講求祖宗故實常朝視朝正衙便殿朝會之儀舉而行之以隆帝業用稱萬邦百辟尊君之心天下幸甚詔令禮部太常寺問門同共討論中尚書省今討論在京月朔日文德殿視朝紫宸殿日參望參垂拱殿日參

四參假日崇政殿坐聖節垂拱殿上壽今來臣僚所請欲乞舉行今乞先次宰臣率百僚拜表奏請皇帝御正殿視朝若降指揮許允所請其合行事務乞令遠處各行條具申請詔依

十一月三日權禮部侍郎王賞等言契勘朝會之制正旦冬至及大慶殿受賀受朝係御大慶殿其文德紫宸垂拱殿禮制不同月朔是朝則御文德殿謂之前殿正衙仍設黃麾半仗其餘紫宸垂拱皆係別殿不設儀仗今來已降指揮依臣所條請乞講朝會之儀緣元正在近大慶之禮事務至多欲乞先舉行文德殿視朝之制其朝會合服朝服并設樂上壽間欲三周設祥瑞表案等並乞候來年冬至前別行取旨詔依

十七日禮部太常寺言勘會將來冬至欲乞依禮例是日皇帝於慈寧殿賀皇太后如宮中之儀訖次於禁中送賀淵聖皇帝畢更不御殿宰執率文武百僚詣常御殿拜表稱賀來年正旦亦訖依此施行詔依

十二月十二日禮部言准都省批送下御史臺申本臺今先次條具到宰臣率百僚拜表請皇帝御正殿視朝俟批答允所請并修蓋垂拱崇政殿了畢其御正殿日分取旨下有司施行今看詳乞候修蓋前殿畢工日申朝廷下太史局擇日御正殿 一將來御正殿每遇朔望日欲乞依先降指揮宰臣率百官先遙拜淵聖皇帝退次赴前殿起居如儀 一百官聽赦書德音麻制依儀集官於文德殿立班將來每遇告集百官聽宣赦書

德音麻制欲乞將崇政殿權充文德殿立班 一垂拱殿四參依儀於殿門外設位版 一宰臣率百官拜表并聽御札批答依儀並在東上閣門昨在京日係於文德殿東朵殿將來每遇群臣拜表聽御札批答欲將崇政殿權作文德殿充東上閣門群臣立班 一今來舉行正殿朝會並遵執見行儀制編排班次比之日今後殿常朝報引班列事體不同所有侍從及應職事官差除罷職等移動班次起赴朝參多有不赴間有赴者未敢便引立新班上件事理委有相妨伏乞畫黃劄下本臺照會庶得班列整肅及彈奏不致差誤 一依儀朝會退百官謝賜茶酒合在朝堂今來舉行之初欲乞候將來朝堂了畢日今所屬申取朝廷指揮詔依

十五年十二月六日閤門言依在京遇大禮年分次年
正旦朝會依例權罷詔依

十四年八月二十四日閤門言紹興十三年為大禮畢
端誠殿稱賀當年冬至大朝會於禮例權罷并十四年
正旦大朝會大禮次年亦合權罷所有今來冬至來年
正旦大朝會若朝廷降指揮舉行於閤門典禮別無妨
礙太常寺狀勘會冬至正旦大朝會係本寺逐年檢舉
申請候指揮下日施行奉聖旨令閤門討論與使人入
見不得相妨契勘依儀冬至及正旦合御大慶殿坐其
大朝會將來正旦大朝會百僚稱賀皇帝御大慶殿坐
其使人入見臨時聽旨即無相妨詔依

九月十七日門下後省言將來大朝會本省有合申請

事件下項 一八寶合於大慶殿上御座東西安設

一主進中嚴外辦解嚴牙牌職掌係本省差人外所有設席褥職掌依法合太僕寺差後來並係駕部差今來上件職掌乞從本省及駕部差撥詔依

十八日中書後省言將來正旦大朝會合用表紫并紫綾紫衣及席褥乞下太常寺依門下後省祥瑞表紫席褥一樣製造排辦禮畢令本寺拘收詔依

十九日禮部言祇候庫申將來大朝會文武百僚等朝服法衣約度乞下工部製造批送禮部看詳本部尋下太常寺看詳得所造朝服除宰執使相侍從臺諫武臣正任以下并應奉官見有祇候庫椿管數目外其文武百僚朝服欲依祇候庫所申從御史臺閣門四方館約

度合用立班員數報本庫契勘闕少數申工部貼造所
有入殿應奉禁衛諸班直皇城司親從快行八廂諸祇
應人法衣等名件樣制本寺難以見得乞令祇候庫會
問主管禁衛所及應奉官司具合用人數本庫省記逐
色人合服名件申工部製造詔依

二十一日翰林司言今年冬至來年正旦大朝會本司
自來排辦殿內臣僚合用金銀器皿什物並係於天章
閣收附宴設家事庫閱請數內對御合用金爵盞兩朵
殿兩廊合用白城銀爵盞今來本庫止有鍍金銀盞蓋
鍍金銀屈卮白城銀屈卮今欲乞將見在屈卮并盤盞
充代爵盞使用詔依

二十三日禮部太常寺言來年正旦大朝會參酌條具

合行排辦事件下項 一依儀合御大慶殿今欲乞將
文德殿權作大慶殿 一合張設垂拱殿大慶殿及殿
門之内外設東西房於大慶殿御榻之左右稍北又設
東西閣於殿後之左右并待班幕次等欲令儀鸞司預
先排辦釘設 一合設登歌宮架樂舞 一合設玉輅
儀仗輿輦法物繒扇等乞從兵部行下所屬排辦 一
合設諸州諸蕃貢物乞下戶禮部排辦 一依儀符寶
奉寶陳于大慶殿御榻之左右及丹墀龍墀沙墀上陳
輦輿繒扇御馬及設表案詳瑞案并三公三少侍中中
書令以下御門外叙班及殿內立班去處欲乞令御史
臺定日同閣門太常寺言來年并應奉官司前去相度
詔依

十月二日禮部太常寺言來年正旦大慶會其登歌樂
工內歌色祝數搏拊鍾磬琴瑟係在殿上排設管笛笙
簫係在簷下排立照得十三年郊祀大禮景靈宮殿簷
下所用樂床係軍器所製造今欲下所製造詔依

三日四方館言勘會將來正旦大朝會文武百僚合用
朝服本館除已先次開具進奏官及本館應奉人數并
所服法服報祇候庫製造外所有致仕官京官選人員
數法服等令比附隨宜約度下項 一致仕官欲乞將
行在臨安府城內寄居致仕官權從上以一十員京官
選人欲乞權以五十員并吏部已參部人權以一百員
并乞于從上職位越赴立班製造法服 一諸路貢士
舉人欲乞令禮部於諸州發解引舉人解頭權以一百

人趨赴立班製造士服如人數不足於太學生內差大職事及近上齋長諭 一昨在京先生法師左右街道官等趨赴今欲乞令僧官道官及僧正道正司差侍觀主首及從上師號高者僧道權各以三十人趨赴立班並各服本色詔依

同日兵部言乞勦自來大朝會合排設黃麾大仗五千二十七人所有來年正旦大朝會本委排設黃麾大仗唯復排設黃麾半仗二千二百六十五人及檢勦更有五輅下駕士人兵等一千人奉聖旨令兵部相度地步申尚書省本部尋將帶左右金吾街仗六軍儀仗司等入殿相視得大慶殿比之在京地步不同又緣依政和五禮新儀合用黃麾大仗五千二十七人今來若全行

排設委是擁遏難以擺布今相度欲乞用黃麾大仗止
將合用人數權減三分之一用三千三百五十人所有
執著色服除已有黃麾半仗外有少闕數日欲乞於祇
候庫見管大禮儀仗物色內就行接數充代於殿門內
外隨宜擺列至車輅前後詔依

九日御史臺言今相視到立班去處申請事件下項

一今來大朝會已降指揮文德殿權作大慶殿依儀兩
省官合於丹墀上分東西相向立目今殿庭即無三墀
今欲乞除將起居郎舍人夾香案東西侍立外其餘兩
省官乞隨宜分東西相向立班 一依令大朝會前二
日赴大慶殿習儀欲乞於正習儀前從本臺定日同閱
門太常寺并應奉官司赴本殿閱習 一合用文臣百

官欲乞告集應通直郎以上及行在見任寺監主簿承務郎以上職事官赴赴立班并習儀詔依

同日禮部太常寺言今續次參酌條具事件下項一合倉差太史令一員奏雲物祥瑞乞下太史局差一依儀合用御榻并香案乞令儀鸞司排辦一大朝會儀注乞令御史臺太常寺閤門同共參酌修定申請所有垂拱殿樞密已下稱賀儀乞從閤門申請詔依

十九日兵部言正旦大朝會尋行下車輅御輦左右驥驥院前去相視到下項本部今欲依逐處申到事理施行一車輅院勘會合排設五輅係于大慶殿內排設今來相視得殿內地步雖可排設五輅綠車輅高闕與今來殿門出入相妨今欲乞於皇城南門外隨宜排設

一左右騏驎院勘會自來遇大朝會合用輜鞍御馬二十匹於大慶殿龍墀上在逍遙平輦後排立應奉今來相視得殿前兩壁廊下排設逍遙平輦於輦後係是廊屋別無地步排立御馬乞於逍遙平南輦以兩壁排立乞下太常寺相度指定依禮儀有無妨礙本寺看詳今來大慶殿地步與在京不同若隨宜於大慶殿門外排立於典禮別無妨礙 一御輦院契勘在京日大朝會本院合排設大輦道遙平輦小腰輦於大慶殿東西龍墀上排設纒一百六柄於大慶殿下排設今相視下項一平輦腰輦殿廊下面西安設逍遙子小腰輦於殿西廊下東西相向排設一纒扇在京合差撥人員輦官一百一十人今欲乞隨宜差撥人員輦官七十人祇應

於殿下逍遙平輦近南東西相向排設 一大輦一乘
今來緣殿門出入相妨今欲於皇城南門外隨宜排設
詔依

二十日禮部太常寺言今續次參酌條具申請下項
一乞依禮例於元日前二日文武百僚并應奉人並赴
殿庭習儀 一太常寺禮直官贊者并樂正樂工乞於
習儀前本從寺定日於法惠寺作樂教習三日詔依
二十一日輔臣進呈有司申請大朝會舊有地衣上曰
祖宗時往往是河東進獻因而用之今從儉約更不須
用十一月一日禮部言准都省送下提舉秘書省申太
史局狀將來太朝會本局官四員司辰禮曆局學生共
二十四員依例並合在大慶殿門外西壁排立應奉文

文德鍾鼓院狀合差主管官四員星漏官一員司辰直
官鷄唱局學生二十一人依例並合赴大慶殿門裏西
間近東北簷下排設應奉送禮部看詳本部尋下太常
寺看詳欲依本省所申事理詔依

同日禮部太常寺言自來朝會於習儀前宰執同禮部
太常寺官按樂所有將來正殿朝會欲乞依禮例從太
常寺申請定日於法惠寺按樂及上壽依儀合差太官
令二人奏酒巡周奏食徧依自來禮例係差教坊使副
充詔依

十五日戶禮部言准都省送下太常寺申契勘將來大
朝會依在京禮例合排設登歌樂舞應奉所有合舉行
事件令先次條具到申請下項戶禮部參酌指定申尚

書省本部看詳欲依太常寺到事理 一本寺勘會在
京日遇大朝會合用登歌宮架樂工六百餘人今來大
朝會欲比附紹興十三年郊祀大禮應奉人數止用樂
正四人登歌樂工四十八人宮架樂工一百八十二人
共用二百三十四人將見管歲中常祀樂正并登歌工
架樂工二舞及守闕樂工一百七十三人撥充奉應如
有闕少人數乞從本寺拘收曾經應奉樂工充若或不
足乞行召募 一將本寺額管二舞並撥充宮架樂工
祇應外見闕文郎六十四人武郎六十四人管押色長
二人引舞四人共用一百三十四人更不招置欲乞依
祖宗舊制下教坊借差諸部樂人充攝若教坊樂人數
數不足乞令鈞容直貼差應奉 一合用樂章乞從本

具曲名節次申學士院修撰前期付下教習詔依

十月二日

坊二日所狀將來大朝會見闕文武郎并引舞人乞下
教坊借差如數不足下鈎容直貼差本所與教坊
新來質正旦人使顯是相妨應尚處分不足若
不差撥二舞等入顯是相妨應尚處分不足若

二十九日閣門言檜會舊例正旦朝會垂拱殿設簾殿

上駐輦候起居稱賀班絕乘輦樞密知閣門官樞密都

副承旨諸房承副旨前導管軍引駕至大慶殿後幄皇

帝降輦入次更次契勘今來垂拱殿過大慶殿經由道

路與在京不同取聖旨詔大朝會常御殿權設垂拱殿

免駐輦設簾止設倚子稱賀班絕過大慶殿後幄

同日閣門言今具合中請下項 一將來正旦朝會射

殿權作大慶殿無三墀所有龍墀沙墀合排立大小使

臣欲乞權免侍立 一上壽殿上設御榻兩壁窄隘令

權移東壁御史中丞正侍郎直學士與尚書一行差後
坐西壁權移承宣觀察使與節度使一行差後坐如更
鋪設不通令隨宜趨那於兩朵殿坐詔依